



Bosnia and Herzegovina
Federation of Bosnia and Herzegovina

CANTON SARAJEVO
**Ministry for Science, Higher Education and
Youth**

Broj: 27-01/2-04-41390/21
Sarajevo, 15.11.2021.godine

Na osnovu člana 154. Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21) i člana 7. Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu (“Službene novine Kantona Sarajevo”, br. 27/13 i 42/17), Ministarstvo za nauku, visoko obrazovanje i mlade Kantona Sarajevo objavljuje

PONOVNI JAVNI KONKURS
za izbor i imenovanje predsjednika i članova Upravnog odbora
Univerziteta u Sarajevu – ispred osnivača

- Predsjednik Upravnog odbora Univerziteta u Sarajevu(1 izvršilac)
- Član Upravnog odbora Univerziteta u Sarajevu(3 izvršioaca)

Opšti uslovi:

Za predsjednika/člana Upravnog odbora Univerziteta u Sarajevu može se izabrati, odnosno imenovati kandidat koji ispunjava opšte uslove:

- a) da je državljanin Bosne i Hercegovine
- b) da je stariji od 18 godina
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja konkursa
- d) da se na tog kandidata ne odnosi član IX 1. Ustava Bosne i Hercegovine
- e) da nije osuđivan za krivično djelo ili za privredni prestup
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine (“Službene novine Federacije BiH”, broj: 70/08).

Posebni uslovi:

Pored opštih uslova, kandidat koji se nominira/imenuje za poziciju predsjednika ili člana Upravnog odbora kojeg imenuje Vlada Kantona Sarajevo, treba da ispunjava i sljedeće posebne uslove:

- a) kandidat koji se imenuje za predsjednika Upravnog odbora treba da posjeduje naučni stepen doktora nauka;

- b) kandidat koji se imenuje za člana Upravnog odbora treba da posjeduje najmanje univerzitetsku diplomu, VII stepen stručne spreme za kandidate koji su visoku stručnu spremu stekli po predbolonjskom sistemu studija, odnosno diploma drugog ciklusa studija za kandidate koji su visoku stručnu spremu stekli po bolonjskom sistemu studija i najmanje pet (5) godina radnog staža u struci nakon sticanja diplome;
- c) da nema privatni interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata za članstvo u Upravnom odboru koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08).
- d) da nije u radnom odnosu na Univerzitetu u Sarajevu, odnosno na organizacionoj jedinici ili pridruženoj članici Univerziteta u Sarajevu ili da se ne nalazi u situaciji ili odnosu koji predstavlja sukob interesa;
- e) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
- f) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Nadležnost i mandat Upravnog odbora Univerziteta u Sarajevu

Nadležnost Upravnog odbora Univerziteta u Sarajevu utvrđene su Zakonom o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), Statutom i drugim aktima Univerziteta u Sarajevu.

Član Upravnog odbora se imenuje na mandatni period od četiri godine i ne može biti imenovan više od dva puta uzastopno.

Prijava na javni konkurs

Uz prijavu kandidati su obavezni dostaviti:

1. biografiju;
2. univerzitetsku diplomu;
3. uvjerenje o državljanstvu (ne starije od šest mjeseci od dana objavljivanja javnog konkursa)
4. rodni list
5. potvrdu/uvjerenje o radnom stažu u struci
6. potpisanu i ovjerenu izjavu od strane nadležne općinske službe ili notara kojom kandidat potvrđuje:
 - a) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja konkursa;
 - b) da se na tog kandidata ne odnosi član IX 1. Ustava Bosne i Hercegovine;
 - c) da nije osuđivan za krivično djelo ili za privredni prestup;
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08);
 - e) da nema privatni interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata za članstvo u Upravnom odboru koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08);

- f) da nije u radnom odnosu na Univerzitetu u Sarajevu, odnosno na organizacionoj jedinici ili pridruženoj članici Univerziteta u Sarajevu ili da se ne nalazi u situaciji ili odnosu koji predstavlja sukob interesa;
- g) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
- h) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu

Sve dokumente tražene javnim konkursom potrebno je dostaviti u originalu ili ovjerenoj kopiji.

Postupak izbora i imenovanja obavlja se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13).

U prijavi potrebno je naglasiti za koju poziciju se kandidat prijavljuje. Za prijavu na ovaj javni konkurs, nije predviđen posebni prijavni obrazac. U prijavi na javni konkurs kandidati su obavezni naznačiti da li se prijavljuju za poziciju predsjednika ili člana Upravnog odbora Univerziteta u Sarajevu. Ukoliko se u podnesenoj prijavi precizno ne naznači za koju poziciju kandidat aplicira ista će se smatrati neurednom i neće biti uzeta u razmatranje.

Svi kandidati sa liste sa užim izborom pozivaju se na intervju. Kandidati koji ne uđu u užu izbor, neće biti pozvani na intervju.


Javni konkurs se objavljuje u "Službenim novinama Federacije Bosne i Hercegovine", u jednom dnevnom listu i na WEB stranici Ministarstva za nauku, visoko obrazovanje i mlade Kantona Sarajevo, a ostaje otvoren **petnaest (15) dana od dana posljednjeg javnog objavljivanja.**

Prijave sa potrebnom dokumentacijom dostavljaju se lično ili poštom preporučeno na adresu:
Ministarstvo za nauku, visoko obrazovanje i mlade Kantona Sarajevo
Sarajevo, ul. R. Dž. Čauševića broj 1.

sa naznakom

**"Prijava na javni konkurs za imenovanje/nominovanje kandidata na poziciju predsjednika i članova upravnog odbora Univerziteta u Sarajevu ispred osnivača.
 Ne otvaraj! Otvara komisija."**

Nepotpune, neblagovremene i neuredne prijave neće se uzeti u razmatranje.



web: <http://mon.ks.gov.ba>
 e-mail: info@mon.ks.gov.ba
 Tel: + 387 (0) 33 562-029
 Sarajevo, Reisa Džemaludina Čauševića 1

